



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-00-1311/21-I
Brčko, 08.10.2021. godine

Z A P I S N I K
sa 229. sjednice Pravosudne komisije Brčko distrikta BiH
održane 08.10.2021. godine, u 08,30 sati sa slijedećim

Dnevni m red o m

1. Usvajanje zapisnika sa 228. redovne Pravosudne komisije Brčko distrikta BiH
2. Prijedlog Pravilnika o dopuni Pravilnika o kancelarijskom poslovanju Pravosudne komisije Brčko distrikta Bosne i Hercegovine
(izvjestilac: Dejan Đurović)
3. Prijedlog Pravilnika o izmjenama i dopunama Pravilnika o zapošljavanju u pravosuđu Brčko distrikta BiH
(izvjestilac: Dejan Đurović)
4. Prijedlog Liste kategorija registraturskog materijala sa rokovima čuvanja Pravosudne komisije Brčko distrikta BiH
(izvjestilac: Dejan Đurović)
5. Prijedlog Liste kategorija registraturskog materijala sa rokovima čuvanja – koji se nalazi u prostorijama Pravosudne komisije, a nastao je do 2000. godine
(izvjestilac: Dejan Đurović)
6. Prijedlog Odluke o utvrđivanju liste radnih mjesta, za koje kao poseban uslov za zasnivanje radnog odnosa, nije potrebno prethodno radno iskustvo
(izvjestilac: Dejan Đurović)
7. Prijedlog Odluke kojim se nalaže notar Tanji Slišković preuzimanje arhive notara Miodraga Pajića koji je trajno prestao sa radom zbog odlaska u penziju
(izvjestilac: Dejan Đurović)
8. Izvještaj o provedenom postupku revizije diploma zaposlenih u pravosuđu Brčko distrikta BiH
(izvjestilac: Dejan Đurović)
9. Zahtjev Mehmeda Šabovića, referenta za prinudnu naplatu – sudskog izvršioca u Osnovnom sudu za stavljanje van snage rješenja Pravosudne komisije broj: SuPK-01-883/20 od 16.07.2021. godine
(izvjestilac: Dejan Đurović)
10. Razmatranje radnopravnog statusa Ibrahima Salihovića, referenta-operatera-asistenta u Osnovnom sudu Brčko distrikta BiH
(izvjestilac: Dejan Đurović)
11. Razmatranje radnopravnog statusa Munire Mahmutović, higijeničara u Pravosudnoj komisiji Brčko distrikta BiH
(izvjestilac: Dejan Đurović)

12. Donošenje odluke o imenovanju Komisija za zapošljavanje po raspisanom javnom konkursu broj: SuPK-01-1149/21 od 06.09.2021. godine
(izvjestilac: Dejan Đurović)
13. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH
(izvjestilac: Dejan Đurović)
14. Donošenje odluke o djelimičnom poništenju javnog konkursa broj: SuPK-01-667/21 od 07.05.2021. godine
(izvjestilac: Dejan Đurović)
15. Donošenje rješenja o prestanku radnog odnosa na određeno vrijeme Milici Mihajlović, pripravniku u Kancelariji za pravnu pomoć Brčko distrikta BiH,
(izvjestilac: Dejan Đurović)
16. Donošenje rješenja o prestanku radnog odnosa na određeno vrijeme Benjaminu Gibiću, pripravniku u Pravobranilaštvu Brčko distrikta BiH,
(izvjestilac: Dejan Đurović)
17. Donošenje rješenja o prestanku volonterskog rada Nikolini Damjanović, volonteru u Osnovnom sudu Brčko distrikta BiH,
(izvjestilac: Dejan Đurović)
18. Donošenje rješenja o prestanku volonterskog rada Dženetu Durmiš, volonteru u Osnovnom sudu Brčko distrikta BiH,
(izvjestilac: Dejan Đurović)
19. Donošenje rješenja o prestanku volonterskog rada Emini Zukić, volonteru u Kancelariji za pravnu pomoć Brčko distrikta BiH,
(izvjestilac: Dejan Đurović)
20. Verifikacija rješenja o prestanku radnog odnosa Gordani Radovanović, stručnom saradniku u Tužilaštvu Brčko distrikta BiH
(izvjestilac: Dejan Đurović)
21. Verifikacija rješenja o prestanku radnog odnosa Indiri Medinić, higijeničarki u Pravosudnoj komisiji Brčko distrikta BiH,
(izvjestilac: Dejan Đurović)
22. Donošenje odluke o plati za Gordanu Radovanović, tužioca Tužilaštva Brčko distrikta BiH,
(izvjestilac: Dejan Đurović)
23. Informacija o zaključku Skupštine Brčko distrikta BiH o stanju bezbjednosti u Brčko distriktu BiH
(izvjestilac: Dejan Đurović)
24. Donošenje rješenja o imenovanju povjerenika R.S., koji će nadzirati rad za opšte dobro na slobodi osuđenog M. V. i rješenje o raspoređivanju M. V. na radno mjesto „Skladištar“ u JP „Komunalno Brčko“ d.o.o. Brčko distrikt BiH
(izvjestilac: Dejan Đurović)
25. R a z n o
 - Informacija o zakonima u skupštinskoj proceduri

PRISUTNI SU:

1. SAFET PIZOVIĆ, predsjednik Komisije,
2. ILINKA GAVRIĆ, potpredsjednik Komisije,
3. MATO TADIĆ, predsjednik Ustavnog suda BiH, putem telefona,
4. DAMJAN KAURINOVIĆ, predsjednik Apelacionog suda BD BiH,
5. JADRANKO GRČEVIĆ, predsjednik Osnovnog suda BD BiH.

Sjednica počela u 08,32 sati.

Konstatuje se da sjednici prisustvuje pet članova Komisije, i da je član Zekerija Mujkanović opravdano odsustan te da sjednici prisustvuje i sekretar Komisije Dejan Đurović.

Predsjednik Komisije otvara 229. redovnu sjednicu Pravosudne komisije sa predloženim dnevnim redom, s tim što predlaže da se isti dopuni na način da se iza tačke 7. dodaje se nova tačka 8. koja glasi: „8. Izjašnjenje na prijedlog za ocjenu statutarnosti Zakona o notarima Brčko distrikta BiH“, zatim se iza predložene tačke 23. dodaju nove tačke 24., 25., 26 i 27. koje glase: „24. Informacija o rješavanju pitanja smještaja arhivske građe Osnovnog suda BD BiH“, „25. Molba za davanje saglasnosti Disciplinskoj komisiji za organizaciju rada izvan radnog vremena“, „26. Nominovanje člana u Radnu grupu za izradu Četvrtog periodičnog izvještaja o implementaciji Pakta o građanskim i političkim pravima“, i „27. Zaključni izvještaj o obavljenom radu za opšte dobro na slobodi za osuđenog V. P.“.

Slijedom predloženih dopuna, numeracija tačaka se pomjera, tako da tačka Razno postaje tačka broj 30.

Predloženi i dopunjeni dnevni red je usvojen jednoglasno, bez primjedbi.

Prelazi se na prvu tačku dnevnog reda.

1. Usvajanje zapisnika sa 228. redovne Pravosudne komisije Brčko distrikta BiH

Nakon razmatranja zapisnika konstatuje se da je zapisnik sa 228. redovne sjednice Pravosudne komisije usvojeni jednoglasno, bez primjedbi.

2. Prijedlog Pravilnika o dopuni Pravilnika o kancelarijskom poslovanju Pravosudne komisije Brčko distrikta Bosne i Hercegovine

Nakon obrazloženja, Komisija je jednoglasno usvojila Pravilnik o dopuni Pravilnika o kancelarijskom poslovanju Pravosudne komisije Brčko distrikta Bosne i Hercegovine.

3. Prijedlog Pravilnika o izmjenama i dopunama Pravilnika o zapošljavanju u pravosuđu Brčko distrikta BiH

Nakon obrazloženja, Komisija je jednoglasno usvojila Pravilnik o izmjenama i dopunama Pravilnika o zapošljavanju u pravosuđu Brčko distrikta BiH.

4. Prijedlog Liste kategorija registraturskog materijala sa rokovima čuvanja Pravosudne komisije Brčko distrikta BiH

Nakon obrazloženja, Komisija je jednoglasno usvojila Listu kategorija registraturskog materijala sa rokovima čuvanja Pravosudne komisije Brčko distrikta BiH.

5. Prijedlog Liste kategorija registraturskog materijala sa rokovima čuvanja – koji se nalazi u prostorijama Pravosudne komisije, a nastao je do formiranja pravosuđa Brčko distrikta BiH – za uništenje

Nakon obrazloženja, Komisija je jednoglasno usvojila Listu kategorija registraturskog materijala sa rokovima čuvanja – koji se nalazi u prostorijama Pravosudne komisije, a nastao je do formiranja pravosuđa Brčko distrikta – za uništenje.

6. Prijedlog Odluke o utvrđivanju liste radnih mjesta, za koje kao poseban uslov za zasnivanje radnog odnosa, nije potrebno prethodno radno iskustvo

Nakon obrazloženja, Komisija je jednoglasno usvojila sljedeću

Odluku

Utvrđuje se lista radnih mjesta za koje, kao poseban uslov za zasnivanje radnog odnosa, nije potrebno prethodno radno iskustvo:

REDNI BROJ	PRAVOSUDNA INSTITUCIJA	NAZIV RADNOG MJESTA
1.	Osnovni sud Brčko distrikta BiH	Viši stručni referent jednošalterskog sistema

7. Prijedlog Odluke kojim se nalaže notaru Tanji Slišković preuzimanje arhive notara Miodraga Pajića koji je trajno prestao sa radom zbog odlaska u penziju

Nakon obrazloženja, Komisija je jednoglasno donijela slijedeće

Rješenje

I Tanji Slišković, notaru sa službenim sjedištem u Brčkom, ul. Hasana Bećirovića br.1/2, koja je imenovana rješenjem Pravosudne komisije Brčko distrikta BiH broj: SuPK-00-1016/21 od 09.07.2021. godine, nalaže se da u roku od 30 dana od dana prijema ovog rješenja od Pravosudne komisije Brčko distrikta BiH preuzme arhivu notara Miodraga Pajića koji je trajno prestao sa radom zbog odlaska u penziju.

II Prilikom preuzimanja arhiva notara Miodraga Pajića, sačinice se zapisnik između Pravosudne komisije Brčko distrikta BiH i notara Tanje Slišković.

8. Dostava odgovora na prijedlog ocjene statutarosti Zakona o notarima Brčko distrikta BiH

Nakon obrazloženja i razmatranja, Komisija je jednoglasno donijela zaključak da se Apelacionom sudu Brčko distrikta BiH uputi dostava odgovora na prijedlog za poretanje postupka ocjene statutarosti u skladu sa nacrtom i diskusijom provedenom na sjednici.

9. Izvještaj o provedenom postupku revizije diploma zaposlenih u pravosuđu Brčko distrikta BiH

Nakon obrazloženja, Komisija je izvještaj o provedenom postupku revizije diploma zaposlenih u pravosuđu Brčko distrikta BiH primila k znanju uz zaključak da će Pravosudna komisija Brčko distrikta BiH provjeru diploma vršiti i u narednom periodu za sva lica koja zasnuju radni odnos u bilo kojoj od institucija pravosuđa Brčko distrikta BiH, te da se na web stranici Pravosudne komisije BD BiH navedeni izvještaj objavi u vidu saopštenja za javnost.

10. Zahtjev Mehmeda Šabovića, referenta za prinudnu naplatu – sudskog izvršioca u Osnovnom sudu za stavljanje van snage rješenja Pravosudne komisije broj: SuPK-01-883/20 od 16.07.2021. godine

Nakon obrazloženja, Komisija je jednoglasno donijela sljedeće

Rješenje

Zahtjev Mehmeda Šabovića iz Brčkog, referenta za prinudnu naplatu -sudskog izvršioca u Osnovnom sudu Brčko distrikta BiH, za stavljanje van snage rješenja Pravosudne komisije Brčko distrikta BiH, broj: SuPK-01-883/20 od 16.07.2020. godine, odbija se kao neosnovan.

11. Razmatranje radnopravnog statusa Ibrahima Salihovića, referenta-operatera-asistenta u Osnovnom sudu Brčko distrikta BiH

Nakon obrazloženja i razmatranja, Komisija je jednoglasno donijela zaključak da se navedena tačka skine s dnevnog reda današnje sjednice te pripremi za narednu sjednicu Komisije.

12. Razmatranje radnopravnog statusa Munire Mahmutović, higijeničara u Pravosudnoj komisiji Brčko distrikta BiH

Nakon obrazloženja, Komisija je jednoglasno donijela sljedeće

Rješenje

Utvrdjuje se da radni odnos namještenika Munire Mahmutović iz Brčkog, zaposlene u Pravosudnoj komisiji Brčko distrikta BiH na radnom mjestu „higijeničar“, prestaje po sili zakona danom donošenja ovog rješenja.

13. Donošenje odluke o imenovanju Komisija za zapošljavanje po raspisanom javnom konkursu broj: SuPK-01-1149/21 od 06.09.2021. godine

Nakon obrazloženja i provedene diskusije, Komisija jednoglasno donosi slijedeću

O D L U K U

**o imenovanju komisija za zapošljavanje po javnom konkursu broj:
SuPK-01-1149/21 od 06.09.2021. godine**

I Imenuje se Komisija za zapošljavanje stručnog saradnika u Apelacionom sudu Brčko distrikta BiH, (na neodređeno vrijeme), u sastavu tri člana Pravosudne komisije:

1. Damjan Kaurinović, predsjednik,
2. Safet Pizović, član,
3. Jadranko Grčević, član.

II Imenuje se Komisija za zapošljavanje stručnog saradnika u Tužilaštvu Brčko distrikta BiH (na neodređeno vrijeme), u sastavu tri člana Pravosudne komisije:

1. Zekerija Mujkanović, predsjednik,
2. Mato Tadić, član,
3. Damjan Kaurinović, član.

III Imenuje se Komisija za zapošljavanje sudskog policajca u Sudskoj policiji Brčko distrikta BiH (na neodređeno vrijeme), u sastavu tri člana:

1. Safet Pizović, predsjednik,
2. Ivica Lucić, član,
3. Dejan Đurović, član.

IV Imenuje se Komisija za zapošljavanje referenta-operatera-asistenta u Osnovnom sudu Brčko distrikta BiH (na neodređeno vrijeme), u sastavu tri člana:

1. Dragan Tomaš, predsjednik,
2. Velibor Milićević, član,
3. Smajila Kikić, član.

V Imenuje se Komisija za zapošljavanje referenta za upravljanje predmetima u Osnovnom sudu Brčko distrikta BiH (na neodređeno vrijeme), u sastavu tri člana:

1. Dragan Tomaš, predsjednik,
2. Velibor Milićević, član,
3. Smajila Kikić, član.

VI Imenuje se Komisija za zapošljavanje arhivara - operatera u Osnovnom sudu Brčko distrikta BiH (na neodređeno vrijeme), u sastavu tri člana:

1. Dragan Tomaš, predsjednik,
2. Velibor Milićević, član,
3. Smajila Kikić, član.

VII Imenuje se Komisija za zapošljavanje vozača - kurira u Tužilaštvu Brčko distrikta BiH (na neodređeno vrijeme), u sastavu tri člana:

1. Zekerija Mujkanović, predsjednik,
2. Pavo Radoš, član,
3. Vladimir Tepavčević, član.

VIII Imenuje se Komisija za zapošljavanje sudijskog pripravnika u Osnovnom sudu Brčko distrikta BiH (na neodređeno vrijeme), u sastavu tri člana:

1. Jadranko Grčević, predsjednik,
2. Velibor Milićević, član,
3. Smajila Kikić, član.

IX Imenuje se Komisija za zapošljavanje pripravnika u Tužilaštvu Brčko distrikta BiH (na neodređeno vrijeme), u sastavu tri člana:

1. Zekerija Mujkanović, predsjednik,
2. Pavo Radoš, član,
3. Vladimir Tepavčević, član.

X Imenuje se Komisija za zapošljavanje pripravnika u Pravobranilaštvu Brčko distrikta BiH (na neodređeno vrijeme), u sastavu tri člana:

1. Ilinka Gavrić, predsjednik,
2. Ivana Stjepanović, član,
3. Husein Džafić, član.

14. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH

Nakon obrazloženja i provedene diskusije, Komisija je donijela slijedeću odluku o raspisivanju

**JAVNOG KONKURSA
ZA POPUNJAVANJE UPRAŽNJENIH RADNIH MJESTA
U PRAVOSUĐU BRČKO DISTRIKTA BIH**

1. Pomoćnik sekretara - portparol u Pravosudnoj komisiji Brčko distrikta BiH, na određeno vrijeme, do povratka odsutnog službenika 1 (jedan) izvršilac
2. Higijeničar u Pravosudnoj komisiji Brčko distrikta BiH (na neodređeno vrijeme).....2 (dva) izvršioca
3. Pripravnik u Kancelariji za pravnu pomoć Brčko distrikta BiH, na određeno vrijeme, do sticanja uslova za polaganje pravosudnog ispita, ali ne duže od dvije godine..... 1 (jedan) izvršilac

Prijave na konkurs podnose se od 15.10.2021. godine do 29.10.2021. godine.

15. Donošenje odluke o djelimičnom poništenju javnog konkursa broj: SuPK-01-667/21 od 07.05.2021. godine

Nakon obrazloženja, Komisija je jednoglasno donijela slijedeću

O D L U K U

o djelimičnom poništenju javnog konkursa broj: SuPK-01-667/21 od 07.05.2021. godine

Član 1.

Djelimično se poništava javni konkurs za popunjavanje upražnjenih radnih mjesta u pravosuđu Brčko distrikta BiH broj: SuPK-01-667/21 od 07.05.2021. godine, raspisan od strane Pravosudne komisije Brčko distrikta BiH, u dijelu koji se odnosi na poziciju:

1. Šef administracije u Tužilaštvu Brčko distrikta BiH (na neodređeno vrijeme) 1 (jedan) izvršilac.

Član 2.

Javni konkurs za poziciju iz člana 1. ove Odluke, djelimično se poništava zbog isteka roka od 90 radnih dana za izbor kandidata, u skladu sa odredbom člana 35. stav (1) tačka e) Zakona o službenicima i namještenicima u pravosuđu Brčko distrikta BiH.

Član 3.

Ova Odluka stupa na snagu danom donošenja i bit će objavljena na internet stranici Pravosudne komisije i oglasnim tablama pravosudnih institucija Brčko distrikta BiH.

16. Donošenje rješenja o prestanku radnog odnosa na određeno vrijeme Milici Mihajlović, pripravniku u Kancelariji za pravnu pomoć Brčko distrikta BiH,

Nakon obrazloženja, Komisija je jednoglasno donijela sljedeće

Rješenje

Milici Mihajlović, pripravniku u Kancelariji za pravnu pomoć Brčko distrikta BiH, prestaje radni odnos zasnovan na određeno vrijeme radi obavljanja pripravničkog staža, zbog isteka roka za obavljanje pripravničkog staža.

Radni odnos prestaje zaključno sa danom 20.10.2021. godine.

17. Donošenje rješenja o prestanku radnog odnosa na određeno vrijeme Benjaminu Gibiću, pripravniku u Pravobranilaštvu Brčko distrikta BiH,

Nakon obrazloženja, Komisija je jednoglasno donijela sljedeće

Rješenje

Benjaminu Gibiću, pripravniku u Pravobranilaštvu Brčko distrikta BiH, prestaje radni odnos zasnovan na određeno vrijeme radi obavljanja pripravničkog staža, zbog isteka roka za obavljanje pripravničkog staža.

Radni odnos prestaje zaključno sa danom 20.10.2021. godine.

18. Donošenje rješenja o prestanku volonterskog rada Nikolini Damjanović, volonteru u Osnovnom sudu Brčko distrikta BiH,

Nakon obrazloženja, Komisija je jednoglasno donijela sljedeće

Rješenje

Nikolini Damjanović, diplomiranom pravniku, volonteru u Osnovnom sudu Brčko distrikta BiH, prestaje Ugovor o volonterskom radu na određeno vrijeme s punim radnim vremenom, zaključen sa Pravosudnom komisijom Brčko distrikta BiH, pod brojem: SuPK-01-1667/19 od 11.10.2019. godine, zbog isteka perioda na koji je zaključen.

Ugovor prestaje zaključno sa danom 21.10.2021. godine.

19. Donošenje rješenja o prestanku volonterskog rada Dženetu Durmiš, volonteru u Osnovnom sudu Brčko distrikta BiH,

Nakon obrazloženja, Komisija je jednoglasno donijela sljedeće

Rješenje

Dženetu Durmiš, diplomiranom pravniku, volonteru u Osnovnom sudu Brčko distrikta BiH, prestaje Ugovor o volonterskom radu na određeno vrijeme s punim radnim vremenom, zaključen sa Pravosudnom komisijom Brčko distrikta BiH, pod brojem: SuPK-01-1666/19 od 11.10.2019. godine, zbog isteka perioda na koji je zaključen.

Ugovor prestaje zaključno sa danom 21.10.2021. godine.

20. Donošenje rješenja o prestanku volonterskog rada Emini Zukić, volonteru u Kancelariji za pravnu pomoć Brčko distrikta BiH,

Nakon obrazloženja, Komisija je jednoglasno donijela sljedeće

Rješenje

Emini Zukić, bacheloru prava, volonteru u Kancelariji za pravnu pomoć Brčko distrikta BiH, prestaje Ugovor o volonterskom radu na određeno vrijeme s punim radnim vremenom, zaključen sa Pravosudnom komisijom Brčko distrikta BiH, pod brojem: SuPK-01-1670/19 od 11.10.2019. godine, zbog isteka perioda na koji je zaključen.

Ugovor prestaje zaključno sa danom 21.10.2021. godine.

21. Verifikacija rješenja o prestanku radnog odnosa Gordani Radovanović, stručnom saradniku u Tužilaštvu Brčko distrikta BiH

Nakon obrazloženja, Komisija je jednoglasno verificovala Rješenje Pravosudne komisije Brčko distrikta BiH, broj: Broj: SuPK-01-1247/21 od 30.09.2021. godine.

22. Verifikacija rješenja o prestanku radnog odnosa Indiri Medinić, higijeničarki u Pravosudnoj komisiji Brčko distrikta BiH,

Nakon obrazloženja, Komisija je jednoglasno verificovala Rješenje Pravosudne komisije Brčko distrikta BiH, broj: Broj: SuPK-01-1253/21 od 20.09.2021. godine.

23. Donošenje odluke o plati za Gordanu Radovanović, tužioca Tužilaštva Brčko distrikta BiH,

Nakon obrazloženja, Komisija je jednoglasno donijela sljedeću

O D L U K U

Član 1

Za Gordanu Radovanović, tužioca Tužilaštva Brčko distrikta BiH, utvrđuje se osnovna mjesečna plata u iznosu od 3.993,33 KM (trihiljadedevetstotina devedeset i tri konvertibilne marke i 33/100).

Član 2

Osnovna mjesečna plata iz člana 1. ove Odluke povećava se za 0,5 % za svaku punu godinu radnog staža, najviše do 40 godina.

Član 3

Ova Odluka se primjenjuje počev od 04.10.2021. godine.

24. Informacija o zaključku Skupštine Brčko distrikta BiH o stanju bezbjednosti u Brčko distriktu BiH

Nakon obrazloženja i provedene diskusije, konstatuje se da je Komisija informaciju o zaključku Skupštine Brčko distrikta BiH o stanju bezbjednosti u Brčko distriktu BiH, primila k znanju.

25. Informacija o rješavanju pitanja smještaja arhivske građe Osnovnog suda BD BiH

Nakon obrazloženja i provedene diskusije, konstatuje se da je Komisija informaciju o rješavanju pitanja smještaja arhivske građe Osnovnog suda BD BiH, primila k znanju.

26. Molba za davanje saglasnosti Disciplinskoj komisiji za organizaciju rada izvan radnog vremena

Nakon obrazloženja, Komisija je jednoglasno donijela sljedeću

Odluku

Daje se saglasnost vijeću Disciplinske komisije, da u disciplinskom predmetu pokrenutom zahtjevom zamjenika disciplinskog tužioca broj: SuPK-01-1136/21 od 15.09.2021. godine, svoj rad organizuje izvan radnog vremena.

27. Nominovanje člana u Radnu grupu za izradu Četvrtog periodičnog izvještaja o implementaciji Pakta o građanskim i političkim pravima

Nakon obrazloženja i provedene diskusije, Komisija je jednoglasno odlučila da za rad u Radnoj grupi za izradu Četvrtog periodičnog izvještaja o implementaciji Pakta o građanskim i političkim pravima, imenuje Radeta Mitrovića, stručnog saradnika za poslove upravljanja privremeno oduzetom imovinom u Pravosudnoj komisiji Brčko distrikta BiH.

28. Zaključni izvještaj o obavljenom radu za opšte dobro na slobodi za osuđenog V. P.

Konstatuje se da je Komisija jednoglasno usvojila zaključni izvještaj o obavljenom radu za opšte dobro na slobodi za osuđenog V. P.

29. Donošenje rješenja o imenovanju povjerenika R. S., koja će nadzirati rad za opšte dobro na slobodi osuđenog M. V. i rješenje o raspoređivanju M. V. na radno mjesto „Skladištar“ u JP „Komunalno Brčko“ d.o.o. Brčko distrikt BiH

Nakon obrazloženja, Komisija je jednoglasno donijela sljedeće

Rješenje

R. S. imenuje se za povjerenika koji će nadzirati rad za opšte dobro na slobodi za osuđenog M. V.

i

Rješenje

M. V. se raspoređuje na radno mjesto „skladištar“ u JP „Komunalno Brčko“ d.o.o. Brčko distrikt BiH u trajanju od 30 radnih dana.

30. R a z n o

Predsjednik Komisije konstatuje da se član Komisije g. Tadić opravdano putem telefonske linije isključio iz rada sjednice u 09,36 sati.

Kako se više niko nije javio za riječ, 229. redovna sjednica završena je u 09,36 sati.

Zapisnik vodila
Nataša Kovač

Predsjednik
Pravosudne komisije

Safet Pizović